

KNF - NRP - Raiffeisen Bank në Kosovë (EFSD +2)

Lokacioni:	KOSOVË
ID e Projektit:	56991
Spektori i biznesit:	Kredi depozitare (banka)
Lloji i Njoftimit:	PRIVAT
Kategoria Mjedisore:	FI
Data e aprovimit:	17 dhjetor 2025
Statusi:	Në eksplorim
Data e shpalosjes në anglisht:	12 nëntor 2025

Përshkrimi i Projektit:

Ndarja e Riskut të Portfolios (NRP) në formën e një garancie të pafinancuar të portfolios deri në 25 milionë EURO, e ofruar nga Banka për Raiffeisen Bank në Kosovë (RBKO). Garancia do të mbulojë në baza proporcionale deri në 50% të riskut të kredisë në portfolion e gjeneruar rishtazi të kredive për ndërmarrje mikro, të vogla dhe të mesme (NMVM) në masën deri në 50 milionë EURO me origjinë nga RBKO-ja.

Objektivat e Projektit

Synimi i produktit është çlirimi i kapacitetit të RBKO-së për marrjen e riskut në mënyrë që të nxitet kreditimi i mëtutjeshëm për NMVM-të, duke adresuar hendekun e financimit të NMVM-ve në treg. Produkti do t'i mundësojë RBKO-së të ofrojë kreditim me një shumëfish të garancisë së BERZH-it, duke u fokusuar te NMVM-të jashtë kryeqytetit, në turizëm, bujqësi, si dhe te NMVM-të e udhëhequra/në pronësi të të rinjve dhe grave.

Ndikimi i Tranzicionit

Poentimi ETI: 61

Ndikimi i tranzicionit të projektit rrjedh nga kualitetet **Konkurrues** dhe **Gjithëpërfshirës** të projektit.

Konkurrues: Produkti i ndarjes së riskut mbështet rritjen e portfolios dhe gjeneron kreditime të reja.

Gjithëpërfshirës: Projekti përmirëson qasjen në financim për segmente të tregut që nuk marrin shërbime të mjaftueshme, duke përmirësuar përfshirjen e tyre financiare me efektshmërinë dukshëm shumë të nevojshme dhe të fuqishme.

Informata për Klientin

RAIFFEISEN BANK NË KOSOVË SH.A.

RBKO, degë në pronësi të plotë të Raiffeisen Bank International AG, është banka më e madhe komerciale në Kosovë dhe institucion financiar partner (IFP) i BERZH-it prej vitit 2019. Banka ofron një gamë gjithëpërfshirëse të produkteve për Individë Privatë, NMVM dhe Korporata të Mëdha, si dhe renditet e para në Kosovë ndërmjet 11 bankave që operojnë në treg, me pjesë të tregut prej 19% sipas totalit të aseteve sipas të dhënave nga fundi i qershorit 2025. Me zyrat qendrore në Prishtinë, kjo bankë posedon rrjetin më të madh në Kosovë me 36 degë dhe 927 të punësuar sipas të dhënave nga VF 2024.

Përmbledhja e Financimit të BERZH-it

25,000,000.00 EURO

Gjithsej Kosto të Projektit

50,000,000.00 EURO

Shtueshmëria

BERZH-i ofron strukturat inovative të financimit, si dhe ofron ekspertizë dhe njohuri me rëndësi vendimtare për realizimin në kohë të objektivave të projektit. BERZH-i ofron standarde dhe mbështetje për forcimin e projekteve të ardhshme të financimit të strukturuar, si dhe ekspertizë për financimin e reziliencës ndaj ndryshimeve klimatike dhe eficiencës së resurseve.

Përmbledhja Mjedisore dhe Sociale

Kategoria FI (PMS 2024). RBKO është klient ekzistues BERZH-it. Klienti, sipas ekspozimeve të veta ekzistuese me BERZH-in, aktualisht i përmbush Kërkesat Mjedisore dhe Sociale (KMS) 2, 4 dhe 9 të BERZH-it. Nga nënprojektet e pranueshme pritet të bartin risk të ulët deri në të mesëm mjedisor dhe social (MS). Kujdesi i duhur për MS është ndërmarrë përmes një shqyrtimi të raportit vjetor për MS për vitin 2024.

RBKO ka një Sistem për Menaxhim Mjedisor dhe Social (SMMS), i cili konsiderohet në përputhje me profilin e riskut të nënprojekteve të pranueshme. RBI, si grup, i ka nënshkruar në vitin 2021 Parimet e OKB-së për Shërbime Bankare të Përgjegjshme dhe Kompaktin Global të OKB-së në vitin 2010.

Nga RBKO pritet ta mirëmbajë SMMS-në e vet që t'i vlerësojë, menaxhojë dhe monitorojë në mënyrë efektive risqet dhe ndikimet MS në përputhje me KMS 2, 4 dhe 9. Këtu përfshihet pajtueshmëria me Listën e BERZH-it për Përrjashtimet për MS dhe përputhshmëria me udhëzimet relevante të BERZH-it. Nga përfituesit e financuar përmes këtyre transaksioneve do të kërkohej të jenë në pajtueshmëri me kërkesat kombëtare mjedisore, sociale, shëndetësore, të sigurisë dhe të punës, si dhe kriteret e

BERZH-it për pranueshmëri mjedisore dhe sociale për nënprojektet për energji të ripërtërishme. RBKO do t'i dorëzojë BERZH-it raporte vjetore për MS, duke detajuar zbatimin e vet të SMMS-së, pajtueshmërinë me kërkesat e BERZH-it, rezultatet e shqyrtimit të nënprojekteve dhe çdo incident material MS. Nga RBKO kërkohet edhe të shpalosë publikisht informacionin mbi SMMS-në e vet në përputhje me PMS 2024.

Vlerësimet e Gjelbra

Projekti përcaktohet si i përafruar me Marrëveshjen e Parisit bazuar në aplikimin e qasjes së BERZH-it për përafrim me Marrëveshjen e Parisit për investimet e financuara në mënyrë të tërthortë. Përcaktimi i përafrimit bazohet në aplikimin e shtyllës 1 (përkushtimi i palës homologe ndaj Marrëveshjes së Parisit) dhe shtyllës 2 (filtër për nën-transaksionet). 30% e financimit të BERZH-it klasifikohet si financim i gjelbër, pasi që mbështet aktivitetet për arritjen e objektivave të zbutjes së ndryshimeve klimatike.

Bashkëpunimi Teknik dhe Financimi me Grante

Transaksionet e përzgjedhura për NRP të BERZH-it në vendet e Ballkanit Perëndimor, të mbështetura nga Mbulimi i Riskut të Humbjes së Par i ofruar nga BE-ja në kuadër të programit EFSD+, do të përfitojnë nga një paketë e Bashkëpunimit Teknik (BT) deri në 1,387,000 euro. BT-ja do të mundësojë angazhimin e një Konsulenti të Programit për mbështetje në ngritjen e kapaciteteve për IFP-të në lidhje me mbështetjen e përgjithshme të zbatimit, ngritjen e kapaciteteve për tranzicionin e ekonomisë së gjelbër, identifikimin dhe vlerësimin e nënprojekteve të investimeve potenciale, aktivitetet e vizibilitetit dhe marketingut, si dhe asistencë për monitorim dhe raportim sipas nevojës.

Informatat e Kontaktit të Kompanisë

Lirike Kolgeci-Lokaj

lirike.kolgeci@raiffeisen-kosovo.com

+383 49 601951

www.raiffeisen-kosovo.com

Rr. Robert Doll 99, Prishtinë 10000, Kosovë

Ndikimi në Tranzicion

Për informacion të mëtejshëm lidhur me qasjen e BERZH ndaj matjes së ndikimit në tranzicion mund të lexoni [këtu](#).

Mundësitë e biznesit

Për mundësitë për biznes ose prokurim, kontaktoni shoqërinë kliente.

Për mundësi biznesi me BERZH (që nuk lidhen me prokurimin) kontaktoni:

Tel: +44 20 7338 7168

Email: projectenquiries@ebrd.com

Për projektet në sektorin shtetëror, vizitoni [Prokurimet e BERZH](#):

Pyetje të përgjithshme

Mund të bëni pyetje specifike duke përdorur [Formularin e pyetjeve të BERZH-it](#).

Politika Mjedisore dhe Sociale (PMS)

[PMS](#) dhe Kriteret e Performancës (PR) përcaktojnë mënyrën se si BERZH zbaton angazhimin e saj për promovimin e “zhvillimit të shëndetshëm dhe të qëndrueshëm mjedisor”. PMS dhe PR përfshijnë dispozita specifike në mënyrë që klientët të veprojnë në përputhje me kërkesat e zbatueshme të legjislacionit kombëtar për informacionin dhe këshillimin publik, si dhe të ngrenë mekanizmat e ankimimit për të adresuar dhe lehtësuar zgjidhjen e shqetësimeve dhe ankesave të palëve të interesit, veçanërisht sa i përket përgjegjësisë mjedisore dhe sociale të klientit dhe projektit. Në raport të drejtë me natyrën dhe shkallën e riskut dhe ndikimit mjedisor dhe social të projektit, BERZH i kërkon klientëve të publikojnë gjithashtu informacion, sipas rastit, mbi risqet dhe ndikimet e projektit ose të kryejnë këshillime gjithëpërfshirëse me palët e interesit dhe të marrin në konsideratë e t'i përgjigjen reagimit të tyre.

Më shumë informacion mbi praktikën e BERZH në këtë aspekt jepet në [PMS](#).

Integriteti dhe Përputhshmëria

Zyra e Krye Oficerit të Përputhshmërisë (OCCO) së BERZH promovon qeverisjen e mirë dhe siguron zbatimin e standardeve më të larta të integritetit në të gjitha veprimtaritë e Bankës, në përputhje me praktikën më të mira ndërkombëtare. Të gjithë klientëve e Bankës duhet t'u nënshtrohen kontrolleve të integritetit për t'u siguruar që projektet nuk paraqesin rrisqe të papranueshme integriteti apo reputacioni për Bankën. Banka beson se identifikimi dhe zgjidhja e problematikave gjatë fazave të vlerësimit për miratimin e projektit, është mënyra më efikase për të siguruar integritetin e transaksioneve të Bankës. OCCO luan rol kyç në këto përpjekje mbrojtëse dhe gjithashtu ndihmon me monitorimin e rreziqeve ndaj integritetit në fazën e pas investimit në projekt.

OCCO është gjithashtu përgjegjëse për verifikimin e akuzave për mashtrim, korrupsion dhe shkelje në projektet e financuara nga BERZH Kushdo, qoftë pjesë apo jo e Bankës, që ka dyshime për praktikën mashtrimi apo korruptive duhet të paraqesë një raportim me shkrim në adresë të Krye Oficerit të Përputhshmërisë përmes postës elektronike tek compliance@ebrd.com. Të gjitha çështjet e raportuara do të ndiqen nga OCCO. Të gjitha raportimet, përfshirë ato anonime, do të shqyrtohen. Raportimet mund të bëhen në çfarëdolloj gjuhe të Bankës apo të vendeve ku Banka vepron. Informacioni i dhënë duhet të jepet në mirëbesim.

Politika e Qasjes në Informacion (PQI)

PQI përcakton mënyrën se si BERZH e shpalos informacionin dhe këshillohet me grupet e interesit për të nxitur ndërgjegjësimin dhe të kuptuarit më të mirë të strategjive, politikave dhe operacioneve të veta pas hyrjes në fuqi të saj më 1 janar 2020. Ju lutemi vizitoni faqen e [Politikës së Qasjes në Informacion](#) për t'u informuar mbi informacionin e disponueshëm në faqen e BERZH.

Kërkesat për informacion të veçantë mund të bëhen duke [përdorur Formularin e pyetjeve të BERZH](#).

Mekanizmi i Pavarur për Përgjegjësinë ndaj Projektit (MPPP)

Nëse përpjekjet për të trajtuar shqetësimet mjedisore, sociale, apo të bëres publike me Klientin apo Bankën nuk kanë rezultat (p.sh., përmes mekanizmit të ankimimit në nivel projekti të Klientit, ose përmes kontaktit të drejtpërdrejtë me ekipin drejtues të Bankës) individët dhe organizatat mund t'i trajtojnë shqetësimet e tyre përmes Mekanizmit të Pavarur për Përgjegjësinë ndaj Projektit (MPPP) të BERZH.

MPPP shqyrton në mënyrë të pavarur problematikat e Projektit që mendohet se kanë (ose mund të shkaktojnë) dëme. Qëllimi i mekanizmit është të: mbështesë dialogun midis palëve të interesit të Projektit për të zgjidhur problematikat mjedisore, sociale dhe të publikimit të informacionit; të përcaktojë nëse Banka vepron në përputhje me [Politikën Mjedisore dhe Sociale](#) apo dispozitat specifike për Projektin të [Politikës së Qasjes në Informacion](#); dhe nëse gjen zbatim të trajtojë çdo devijim nga këto politika, duke parandaluar kështu edhe cdo devijim apo mospërputhje nga ana e Bankës në të ardhmen.

Ju lutem vizitoni faqen e webit për [Mekanizmin e Pavarur për Përgjegjësinë ndaj Projektit](#) për të mësuar më shumë mbi MPPP dhe misionin e tij; si dhe për të [dërguar një kërkesë](#) për rishikim; ose për të kontaktuar MPPP përmes emailit ipam@ebrd.com për më shumë informacion dhe udhëzime mbi mekanizmin dhe dërgimin e kërkesave.